

ASÚNTU NE'EBÉ PRESIZA TAU ATENSAUN


- ▶ Alkol/tua impaktu iha violénsia (9)
- ▶ Juventude ho violénsia (16)
- ▶ Disputa rai / Hadau Malu Rai(4)
- ▶ Ema deskoñesidu ho Violénsia (3)

TENDENSIA KONFLITU

Totál insidente hotu ba fulan Setembru 2013 hamutuk iha insidente (48). Insidente (24) ne'ebé rezolve ona liu husi dalan família, insidente ne'ebé iha ona investigasaun Polísia hamutuk (16) insidente no insidente ne'ebé seidak rezolve hamutuk (9).

Envolvimentu autor insidente barak liu mak juventude ho kuantidade (27). Juventude ho violénsia iha insidente (15) insidente ligadu ho impaktu alkol no asaun violénsia iha (9), asaun violénsia ho ema deskoñesidu joven mane nain rua (2) arte marsiais envolve joven (1). Parte seluk ema ne'ebé envolve iha insidente seluk hanesan to'os nain no animál nain hamutuk ema mane ida, no ema feto ida (2).


AUTOR NE'EBÉ ENVOLVE IHA INSIDENTE



TOTÁL INSIDENTE NE'EBÉ RELATA KADA DISTRITU


Distritu	Insidente
Lautem	3
Covalima	4
Dili	21
Vikeke	0
Aileu	1
Ainaro	1
Ermera	3
Baucau	0
Manatuto	3
Manufahi	0
Oekusi	4
Likisá	8
Bobonaro	0
Total	48

TOTÁL INSIDENTE NE'EBÉ REPORTA HUSI SETEMBRU – 2012 NO SETEMBRU 2013



Bazeia ba analiza dadus hatudu katak insidente tu'un iha iha fulan Setembru 2013. Bele hetan sumariu insidente klaru liu iha www.belun.crowdmap.com

KARATERÍSITIKA INSIDENTE



ASAUN VIOLÉNSIA IMPAKTU HUSI ALKOL

Joven nain rua sona mate ema mane ida no sona kanek ema mane nain rua

Iha distritu Dili, joven mane nain rua ne'ebé hemu tua hala'o asaun violénsia ho uza tudik oho mate joven mane ida iha Fatuhada no sona kanek joven mane nain rua seluk iha fatin ne'ebé la hanesan iha Dili data 24 de Setembru 2013. Maske nune'e bazeia ba Belun ninia verifikasaun ba Komandante PNTL distritu Dili hetan informasaun katak insidente ne'ebé akontese iha dia 24 de Setembru hamutuk iha vitima rua seluk la ba halo apresenta a'an iha Polísia nune'e insidente lolos ba data refere hamutuk iha insidente lima. Hafoin insidente ne'e Polísia enkontru hamutuk ho xefi Suku sira iha Subdistritu iha Dili laran atu fahe informasaun kona ba

suspeitu ne'ebé seidak kaer no antisipasaun ne'ebé prezisa hala'o iha Suku sira atu insidente sira hanesan la bele akontese tan iha Suku seluk iha Dili laran. Wainhira Belun ba halo verifikasaun ba PNTL distritu Dili, Komandante PNTL distritu Dili ne'e hatete katak situasaun Dili laran kontroladu ona husi PNTL. Hafoin iha loron rua tuir mai iha dia 26 de Setembru 2013, Polisia konsege mos kaer autor ka prepétador seluk iha sub distritu Metinaro.

Insidente ne'e hetan indikasaun katak iha grupu krime organizadu ne'ebé konsege mos kontribui ba sentimentu trauma no pániku iha comunidade iha Dili laran no distritu sira ne'ebé besik iha Dili hanesan distritu Aileu, distritu Likisá no distritu Ermera. Violénsia sira seluk ne'ebé relasiona ho alkohol akontese iha distritu sira hanesan distritu Dili, insidente ne'ebé ligadu ho Alkohol ka tua iha (5); Ermera (1); Covalima insidente ligadu ho alkohol (3); Likisá (1). Envolvimentu ema iha asaun violéntu tanba hemu tua lanu joven mane hamutuk iha (9), mane katuas ida (1).

ASAUN VIOLÉNSIA KOMETE HUSI JUVENTUDE

Joven mane ida sona kanek joven mane seluk

Iha distritu Dili, Joven mane ida sona joven mane seluk tanba haksasuk malu kona ba selu osan kareta ne'ebé joven ne'e sa'e maibé selu lalos tanba ne'e mak joven mane seluk ne'ebé hanesan ajudante mikrolete ne'e haksasuk ho joven ne'ebé hanesan pasajeiru ne'e. Wainhira sira nain rua deskute malu joven mane ida husi kotuk mai sona direita kedas ajudante ne'e husi kotuk. Polisia konsege halo kedas atuasaun no kaptura joven mane prepétador ne'e no submete ba investigasaun no ikus liu insidente ne'e iha ona Ministériu Públiku. Insidente ligadu ho asaun violénsia ne'ebé envolve joven barak liu mak akontese iha distritu Dili (insidente 12 husi insidente 16). Deskribasaun ba insidente mak hanesan asalta fiziku entre joven (5), hirus malu no insulta malu entre joven (3), baku malu entre ema nain rua ho grupu joven (1), baku malu entre joven nain rua (2) grupu joven tuda malu ho fatuk (1), asaun naok (1), joven mate tanba tara a'an (2, mane 1 no fetu 1). Baku malu entre grupu joven (1) Insidenteliguadu ho asaun violénsia entre juventude akontese iha distritu sira hanesan: distritu Dili, asaun violénsiaentre joven hamutuk insidente (12); Ermera, violénsia entre juventude iha (1), Likisá violénsia entre joven (1) Oekusi, violénsia entre joven (1).

ASAUN VIOLÉNSIA IHA DISPUTA RAI

Feto ida ho mane ida insulta malu tanba hadau malu rai

Iha distritu Aileu. Mane Ida hadau rai husi fetu ida tanba mane ne'e konsidera katak to'os no rai ne'e nia avo nian. Maibé tanba fetu ne'e defende rai no lakohi fo nune'e akontese insulta malu entre katuas ne'e ho ferik nee. Problema ne'e lori ba iha Xefi aldeia atu rezolve maibé seidak iha solusaun ba problema refere no relasaun parte rua seidak diak. Insidente ligadu disputa rai akontese iha distritu sira hanesan: Aileu (1); Likisá (2); Oekusi (1). Tipu insidente mak insulta malu no insidente refere hetan responde husi autoridade lokál (no exeptu ba insidente iha Likisá envolve mos PNTL)

EMA DESKOÑESIDU HO ASAUN VIOLÉNSIA

Ema mane deskoñesidu ta'a kanek mane etranjeiru nia kakorok

Distritu Dili, Ema mane deskoñesidu hala'o asaun violénsia iha distritu rua ba fulan Setembru 2013 nia laran. Iha Distritu Dili ema deskoñesidu hala'o asalta fiziku ne'ebé ta'a malae mane etranjeiru ida ninia kakorok to'o kanek todan, hafoin iha Distritu seluk mos hanesan Distritu Covalima akontese asaun na'ok ho ema deskoñesidu ne'ebé konsege na'ok ekipamentus eskola nian hanesan livru, absensia. Hahalok krime ho ema deskoñesidu sempre akontese iha fulan fulan bazeia ba monitorizasaun insidente ne'ebé Belun hetan. Sorin seluk, ema deskoñesidu ne'ebé nunca kaptura no nunca deskobre sira ninia identidade husi PNTL hatudu katak PNTL prezisa profesionaliza liu tan sistema intelejensia atu nune'e bele deskobre autor krime deskoñesidu sira iha Dili no Distritu seluk iha Timor. Insidente ligadu ho ema deskoñesidu akontese iha distritu; Dili (2); Covalima (1).

ANIMÁL TAMA TO'OS NO KONFLITU ENTRE EMA

Animál tama to'os kauza insulta malu entre animál nain no to'os nain

Animál tama to'os no estragu ba aihoris sira iha to'os laran kauza ba insulta malu entre animál nain no to'os nain. No mos akontese insidente ne'ebé hanesan iha distritu Manatuto animál nian no to'os nain insulta malu no baku malu tanba animál tama to'os no insidente ne'e seidak iha solusan

tanba parte ida husi parte konfliktu lakohi atu rezolve. Insidente ligadu ho animál tama to'os iha distritu Oekusi (1) insidente violénsia ligadu ho animál tama to'osiha Manatuto (1).

ESTUDANTE HO ASAUN VIOLÉNSIA

Estudante grupu rua asalta fiziku ba malu

Distritu Dili, estudante husi eskola pre sekundáriu número 6 provoca malu ho estudante pre sekundáriu Sergio Vieira de Mello asalta fiziku ba malu no rezulta estudante mane nain rua hetan kanek iha ulun, insidente ne'e konsege hetan atuaun husi Profesores sira no PNTL no rezolve ona.

GRUPU ARTE MARSIAL HO ASAUN VIOLÉNSIA

Grupú Arte marsial hamutuk ho grupú arte ritual ida tuda grupú arte marsial ida seluk

Iha distritu Dili, grupu arte marsial hanesan kera sakti no arte ritúal Koli-Mau hasoru lisuk grupu arte marsial PSHT. Antes mósu tuda malu entre parte rua, grupu hirak ne'e provoca malu no insulta malu antes tanba ne'e la kleur grupu refere hahu tuda malu. PNTL aproxima ho Diresaun Nasionál Prevensaun Konfliktu Komunitária(DNPKK)hodi organiza ona dialógu.Atu asegura mós insidente arte marsiais labele akonteseiha tempu tuir mai prezisa mós aplika aspetu juridiku atu bele fo pena ne'ebé signifikadu.

INSIDENTE DU'UN MALU BUAN/MAJIKU

Subriñu rasik du'un tio buan/kaer aikulit a'at

Iha distritu Manatuto, du'un malu buan mós sai nu'udar kauza ba desintegra relasaun uma laran iha famíliaida nian. Realidade ne'ebé hatudu mak iha distritu Manatuto insidente ne'ebé envolve subriñu no tiun. Wainhira subriñu ninia membru famíliaida moras nia du'un ninia tiun mak kaer aimoruk buan nian no halo moras ninia membru família refere. Insidente ne'e hetan intervensaun husi lider lokál sira no konsege mós rezolve ona insidente du'un malu buan ne'e.

OKNUM POLÍSIA KOMETE IHA ASAUN VIOLÉNSIA

Oknum Polísia baku sala ema mane ida

Iha distritu Likisá, oknum Polísia idane'ebé hetan informasaun sala katak ema mane ida envolve iha grupu ne'ebé hala'o kobransa ilegál ba comunidade sira iha Subdistritu Likisá. Tanba ne'e oknum Polísia ne'e ba halo asalta fiziku iha kalan baema mane ne'e hafoin rezulta kanek iha ulun parte karuk.Insidente ne'e konsege rezolve deit tuir dalan família nian. Insidente bele rezolve ona maibé imajen Lei ho Orden nian mihis iha comunidade nia le'et tanba autor ne'ebé sai hanesan exekutor ba Lei ho Orden maske komete violénsiamaiibé la prosesa tuir lei formál. Asaun violénsia husi oknum polísia akontese mós iha distritu Lautem (1).

INSIDENTE SELUK NE'EBÉ AKONTESE IHA SETEMBRU

Maun alin nain rua baku malu tanba makina dulas hare

Insidente ne'ebé relata husi rezultadu monitorizasaun ba fulan Setembru ne'e nominalmente insidente seluk iha (9) hanesan akontese iha distritu; Ermera insidente baku malu entre maun ho alin ne'ebé hahu husi alin ba foti makinadulas hare nian iha ninia maun nia uma maibé tanba la husu antes ba nia maun tanba ne'e mak ninia maun hirus no baku nia alin. Tanba la simu saida mak nia maun halo ba nia tanba ne'e nia ba keisa iha PNTL atu rezolve maibé seidauk hetan solusaun ba insidente refere. Insidente ne'ebé ligadu ho insidente seluk akontese iha distritu;Likisá(3) oan fetu baku ninia inan rasik, trabalador kompañia baku xefi badaen, umamane baku manefoun. Insidente seluk iha distritu Manatuto (1) fetu foun bo'ot ho fetofoun ki'ikinsulta malutanba hadau malu be'e posu ne'ebé sira uza. Iha distritu Ermera insidente seluk iha (1),distritu Lautem insidente seluk iha (2), Katuas nain rua baku malu tanba tara futu manu kona ninia liman iha futu manu fatin, oknum lider lokál baku oknum ofisiais PDHJ Provedoria Direitu Humanu no Justisa. Distritu Oekusi insidente seluk iha (2) suportador klube futebola rua baku malu.

ATIVIDADE PREVENSAUN KONFLITU NO RESPONDE BA KONFLITU

Atividade Nivel Nasionál ne'ebé dirije husi ekipa AtRes (Atensaun no Responde Sedu ba Konfliktu) mak hanesan; Iha

dia 3 -5 Setembru 2013 Treinamentu kona ba tekniku peskizasaun TAF POP2 ba monitor sira distritu 13.



Partisipantis TAF-POP Pratika ho grupu kona ba random walk iha peskiza.

Ekipa AtRes; Iha dia 23- 27Setembru 2013 Treinamentu Tranformasaun konfliktu modula I no modula II ba monitor sira husi Subdistritu 16.

Atividade Level Distritu Iha dia 25 de Setembru 2013, Ekipa Atres apoiu fundu ba iha atividade sosializasaun tara bandu protesauin meu ambiente iha Lautem.

Atividade Nivel Subdistritu Iha dia 26 de Setembru 2013 hala'ó seminariu kona ba "Komunikasaun nu'udar dalan ba Justisa" Iha Subdistritu Letefoho (Distirtu Ermera). Ne'ebé partisipa iha semináriu ne'e mak Deputadu Parlamentu Nasionál membru Komisaun C, delegasaun Sekretária Estadu no Seguransa (DNPCK), Lider lokál sira no comunidade sira.

Iha dia 17 de Setembru Belun serbisu hamutuk ho parseiru Balibo House Trust – Australia no Balibo Community Learning Centre ba organiza selebrasaun tinan 10 serbisu hamutuk entre comunidade Balibo no Australia. Partisipantis ba eventu ne'e mak hanesan; familia jornalista nain 5 ne'ebé mate iha Balibo, membru comunidade, lider lokál sira husi Atabae, Balibo no Maliana, Ministru Turizmu RDTL, Indonezia, Australia no Embasador Nova Zelandia iha Timor.



Atividade Nivel Suku Iha dia 24 - 26 Setembru 2013 ,Ekipa AtRes desemina informasaun iha Suku Caicassa, Fahinehan no Bubossuso (Distritu Manufahi) deseminasaun informasaun kona ba Lei rai nian, protesauin ambiente, seguransa no

estabilidade nomos kona ba papel sosiedade sivil nian ligadu ho prosesu dezenvolvimentu lokál.

iha dia 19 de Setembru hala'ó Semináriu Dialógu Komunitária iha Suku Letefoho, Subdistritu Same. Iha dia 23 – 24 Setembru 2013, iha Suku Atabae no Suku Hata'as (Distritu Bobonaro) hala'ó workshop kona ba sensibilizasaun transformasaun konfliktu. Iha dia 26-27 Setembru 2013, hala'ó workshop mós iha Suku Raerobo no Suku Aidabaleten (Distritu Bobonaro) ho topiku Sensibilizasaun transformasaun konfliktu.

Ekipa Mediasaun Rezolusaun no Disputa ka MRD hala'ó mós sira ninia atividade mediasaun ba disputa rai hamutuk ne'en (6) iha fulan Setembru ne'e iha distritu Dili.

REKOMENDASAUN

Sekretáriu Estadu Juventude no Desportu

- Hala'ó semináriu no workshop ba juventude sira kona ba perigu husi alkohol ka tua ba vida saude fiziku no saude mentál ninian.

Ministériu Edukasaun

- Elaborasaun lisaun iha kurikúlu ensinu nian kona ba perigu husi tua ba saude fiziku no saude mentál iha nivel primária to'ó universitária.

Sekretáriu Estadu Seguransa

- Fó formasaun kona ba lideransa ninian ba membru Polísia Nasionál Timor Leste atu bele iha abilidade lideransa nian no garante sustentabilidade lideransa ba Insituitusaun PNTL iha futuro.

Sosiedade sivil

- Hala'ó advokasia ba Governu kona ba oinsa mak bele halo lalais lejislasaun ida kona ba limitasaun tua importaun no limitasaun ba produsaun tua lokál atu bele minimiza insidente iha Timor Laran.

Karik presiza atu konfirma kona ba konteiuudu tomak revista situasaun fulan Setembru 2013, ita boot sirabele kontaktu mai: Maria Marília O. da Costa: Manajer programa AtRes via email bylah.belun@gmail.com ka via telemovel (+670 77276671). Pedro de Araújo dos Santos - Ofisiál Política Públiku. pedroa.belun@gmail.com. Telemóvel (+670 77001421).